

mentis deuotionem susceperint, Viue vocis Oraculo desuper nobis facto, Canon huiusmodi satisfecisse declarauit. In quorum fidem literas testimoniales per Secretarium authenticas, & suo sigillo munitas exhibuit, & prestitit. Hoc refert Frater Emanuel in Explicatione Cruciate. fol. 291. & 292.

- 15 ¶ Circa predictas concessiones suboritur dubium. Quid per diem Paschatis intelligat Summi Pontifices? Doctissimus Xuarez in p. disputatione. 82. Opinatur mentem Pontificum fuisse excipere communionem Paschalem: non materialiter [vt ita dixerim] sed formaliter, seu prout precepta est lege, quæ precipit semel in Paschate communicare. Nam capitulum, Omnis vtriusq; Sexus, in initio solum præcipit semel cõmunicare in Paschate, quamuis postea ab Eugenio. 4. declaratum sit, illud Pascha comprehendere omnes octo vel quindecim dies à Dominica Palmarum vsque ad Dominicam in Albis inclusiuè. Et sic omnis communicatio qua impletur illud præceptum intra dictos dies dicitur Paschalis, seu in Paschate facta: exceptio autem quæ apponitur indictis priuilegijs sine dubio respicit hoc præceptum, vt in sua vi maneat, & eodem modo im-